

SAMOA

Faatulagaina o Aiaiga

1. Igoa puupuu ma le amataga
2. Tupe faaalu a o tatali le faasoasoina o le tupe
3. Tupe faaalu e le i faatagaina

2008, Nu. 27**O SE TULAFONO e teuteu ai le Faavae.** [18 Iulai 2008]

UA FAIA e le Fono Aoao Faitulafono a Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua leni Tulafono o le Tulafono o Teuteuga o le Faavae 2008 ma e tatau ona faitauina faatasi ma avea ai o se vaega o le Faavae.

(2) O leni Tulafono e amata faamamaluina i le aso e tuuina i ai le maliega a Le Ao o le Malo.

2. Tupe faaalu a o tatali le faasoasoina o le tupe – Ua teuteuina le Mataupu 95 o le Faavae i le aveesea o le aiaiga

faatuuuuga e amata i upu “**PE AFAI**” ma faaiuina i upu “lena tausaga”, ma suia e faapea:

“**PE AFAI** o le tupe faaalu ua faapea ona faatagaina e lē tatau ona sili atu i se aofaiga o se tupe e tutusa ma le tasi-vaefa o le vaegatupe talafeagai na pasia i le Tulafono o le Faatatauina o Tupe mo le tausaga ua tuanai.”

3. Tupe faaalu e le i faatagaina - O le mataupu 96 ua aveese ma suia e faapea:

“**96. Tupe faaalu e le i fuafuaina** – O se vaegatupe mo tupe faaalu e le i fuafuaina e lē sili atu i le 3% o le aofaiga o tupe ua faatatauina i le Tulafono Tau Faaofi o le Faatatauina o Tupe e tatau ona aofia i le Tala Faatatau o Tupe Faale-tausaga ua faataatia i luma o le Fono Aoaofaitulafono. Afai, a o faagasolo le vaitaimi e pasia ai le Tulafono o le Faatatauina o Tupe mo so o se tausaga faale-tupe, ma le faaiuga o le tausaga, e manaomia le faaaluina o tupe e sili atu i po o e aunoa ma le faatatauina e le Fono Aoaofaitulafono, Kapeneta po o, i le tulaga e faapea ua faatagaina e le Kapeneta, e mafai e le Minisita o nafa ma Tupe ona faatagaina le faaliliuina atu o faaputugatupe i se vaegatupe e tasi po o le sili atu ua filifilia, mai le vaegatupe o tupe faaalu e le i fuafuaina:

AE VAGANA AI E FAAPEA ua avanoa le aofaiga o tupe e faaliliuina atu mai le vaegatupe o tupe faaalu e le i fuafuaina **MA** o le aofaiga atoa o tupe uma ua tuuina atu ma totogiina i lalo o aiaiga o lenei Mataupu e lē tatau ona sili atu i le tolu pasene o le aofaiga atoa o tupe uma ua faatatauina e le Tulafono o le Faatatauina o Tupe mo lena tausaga.”

O le Tulafono o Teuteuga o le Faavae 2008 o lo o faafocina e le Matagaluega a le Palemia.

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**